

校刻宋元四明志序

地理之書昉於禹貢土訓誦訓所掌其遺法也秦變封建亦有圖籍鄭侯入關得以收之然郡縣專志兩漢四百年未有聞焉六朝以來若顧啟期之婁地記山謙之吳興記雷次宗之豫章記鄭緝之之東陽記朱育賀循之會稽記殆郡縣志之權輿乎顧其書皆不傳其傳者自北宋始真宗景德中詔諸路州府軍監校勘圖經編入古跡而上諸朝天下守長咸事編纂吾四明亦以其時始有專書舒信道西湖引水記常引之咸平中蘇為善政廟記云王元暉刪封之典圖志載之並不言明州圖志或係他書未可為州志所自始舒信道則明州圖經也近人它山圖經引唐鄞縣圖經一條此偽造以欺人者不足信厥後李從事再修於大觀初卽爲張州將乾道圖經之祖本羅參軍之寶慶志猶其後也近今所傳以乾道爲最古而北宋二志不得與朱長文吳郡續記並畱於天壤間亦可惜已吳履齋出判慶元其屬僚紀其政績爲開慶續志傳一人之事而冒一郡之名論者以爲非體元則清容之志最有盛名至正中王雷軒續之門類皆仍舊例其書出遂初之手固延祐中同修者此宋元四明志之大凡也於時屬縣鄞奉並有專志而今亦散亡惟大德昌國志幸有傳本我

董序

朝開四庫館宋元郡縣志著錄僅二十家吾郡實居其四乾道至正猶未收入蓋當時無人採進也一邦之書甲於天下文獻所徵良可寶矣往者謝山全氏有宋槧寶慶開慶二志後入趙谷林家今不知流落何所鄞之抱經樓尙有開慶宋本此外宋元志諸家所藏並係傳鈔魯魚盡矢譌謬相踵從未有彙而刻之者同叔徐先生宏雅好古畱意桑梓乃發舊藏及借閱諸鈔本校正脫誤付之手民塗乙之故具於別錄爲札記二十卷補遺二卷又纂佚文四卷作者傳二卷雜錄二卷餘考一卷均署曰校勘記神明煥發頓還舊觀然後四明五志泊大德昌國一編俱足爲藏家善本非特吾郡不可少之書也魏吉州它山備覽雖係一隅水利而亦宋人舊帙并附刊焉胡剡告成皮板廿載兩遭劫火幸無缺佚比先生修鄞志復丐他本命同事校之將益整次以成完書而先生遽歿復東高閣矣光緒戊寅郡守宗公有事圖志而聞徐氏之書尙秘篋笥乃出俸金屬先生嗣子隆壽印行之隆壽請於陳徵君子相合前後各校之本重爲補綴傳之於世原有校勘記自佚文以下仍附本書惟札記多未定之說先生欲改而未是正者今姑闕焉自明以降郡縣圖志靡國不舉然類有蕪穢凌亂

之作古法蕩然惟宋元兩朝猶存唐以前謹嚴之意即以浙中論之嘉定之赤城志景定之嚴州志至元之嘉禾志乾道咸淳之臨安志嘉泰寶慶之會稽志以及高氏剡錄常氏澉水志諸書皆嘗覽其大略簡而有法繁而不支與吾郡六家實相伯仲足以示後來地學之準而吾郡藉徐先生之力俾此六家之書粲然復行洵有功於文獻者也余在鄉里與先生商榷是書蓋亦有年今服官江右聞是書將已傳布引領東望寶獲我心隆壽書來屬序其始末乃備述原委以弁之簡端

光緒五年閏三月鄭董沛序

董序

三

煙嶼樓校本

宋元四明六志卷首

欽定四庫全書總目

地理類都會郡縣之屬

寶慶四明志二十一卷開慶續志十二卷

兩淮鹽政採進本

宋羅濟撰濟廬陵人官贛州錄事參軍文獻通考

作羅璿蓋傳寫誤也先是乾道中知明州張津始

纂輯四明圖經而搜採未備寶慶三年煥章閣學

士通議大夫知慶元府兼沿海制置使廬陵胡榘

復命校官方萬里因圖經舊本重加增訂如唐刺

史韓察之移州城唐及五代郡守姓名多據碑刻

六志首

十

煙嶼樓校本

史傳補入其事未竟會萬里赴調中輟濟與榘同里適遊四明遂屬之編定凡一百五十日而成書前十一卷爲郡志分敘郡敘山敘水敘產敘賦敘兵敘人敘祠敘遺九門各門又分立四十六子目第十二卷以下則爲鄞奉化慈谿定海昌國象山各縣志每縣俱自爲門目不與郡志相混蓋當時明州雖建府號而不置倚郭之縣州故與縣各領疆土如今直隸州之體特與他郡不同也宋史藝文志僅有張津圖經十二卷及四明風俗賦一卷不載是書惟陳振孫書錄解題載之其卷數與此

本相合蓋猶從宋槧鈔存者志中所列職官科第
名姓及他事蹟或下及咸淳距寶慶三十四年蓋
後人已有所增益非盡羅濬之舊然但逐條綴附
而體例未更故敘述謹嚴不失古法元袁桷延祐
四明志亦據爲藍本多採用焉續志十二卷則開
慶元年慶元府學教授梅應發添差通判鎮江府
劉錫所撰其分子目三十有七其自序稱續志之
作所以志大使丞相履齋先生吳公三年治鄞之
政績其已作而述者不復志故所述多吳潛在官
事實而山川疆域已詳於舊志者則概未之及是

六志首

二

延興樓校本

因一人而別修一郡之志名爲輿圖實則家傳於
著作之體殊乖然案宋史吳潛傳載潛以右丞相
罷爲觀文殿大學士尋授沿海制置大使判慶元
府至官條具軍民久遠之計告於政府奏皆行之
又積錢百十七萬三千八百有奇代民輪帛前後
所蠲五百四十九萬一千七百有奇是潛蒞鄞以
後宦績頗有可觀二人所述尚不盡出於諛頌至
潛所著文集世久無傳後人掇拾叢殘編爲遺藁
亦殊傷闕略此志載潛吟藁二卷其古今體詩二
百九首詩餘二卷其詞一百三十首皆世所未觀

雖其詞不必盡工而名臣著作藉以獲存固亦足
資援據故今仍與羅濬書並錄存焉

大德昌國州圖志七卷

浙江范懋柱家天一閣藏本

元馮復京郭薦等同撰復京潼川人官昌國州判
官薦里貫未詳官鄞縣教諭昌國州卽今定海縣
宋熙寧六年置昌國縣元至元十五年始升爲州
此書成於大德二年七月凡分八門曰敘州曰敘
賦曰敘山曰敘水曰敘物產曰敘官曰敘人曰敘
祠前有州官請耆儒修志牒一篇末有郭薦等繳
申文牒一篇冠以復京序據序中所述始末蓋復

六志首

三

延興樓校本

京求得舊志屬薦等訂輯而復京爲之審定者也
其大旨在於刊削浮詞故其書簡而有要不在康
海武功志韓邦靖朝邑志下海書邦靖書爲作者
盛推而此書不甚稱於世殆年代稍遠鈔本稀傳
歟據原目所載卷首當有環山環海及普陀山三
圖圖志之名實由於是此本有錄無書蓋傳寫者
佚之矣

延祐四明志十七卷

浙江巡撫採進本

元袁桷撰桷字伯長慶元人宋知樞密院事詔之
曾孫少爲麗澤書院山長以薦改翰林國史院檢

開官累遷侍講學士卒贈江浙行省參知政事追封陳留郡公諡文清事蹟具元史本傳梅文章博瞻爲一時臺閣之冠所著易說春秋說諸書見於蘇天爵墓誌銘者世久無傳惟清容居士集及此志尙存書成於延祐七年蓋慶元路總管馬澤屬梅撰次者也凡分十二考曰沿革曰土風曰職官曰人物曰山川曰城邑曰河渠曰賦役曰學校曰祠祀曰釋道曰集古條例簡明最有體要梅先世在宋多以文學知名稱東南故家遺獻沒後會朝廷修史遣使求郡國軼文故事惟袁氏所傳爲多

六志首

四

續修校本

故其於鄉邦舊典尤多貫串志中考核精審不支不濫頗有良史之風視至元嘉禾至正無錫諸志更爲賅洽惟自第九卷至第十一卷爲傳寫者所脫佚已非全帙然元時地志鈔帙無多存之亦足以資考究固未可以不完廢也

地理類河渠之屬

四明它山水利備覽二卷

浙江吳玉

宋魏峴撰峴鄞縣人官朝奉郎提舉福建路市舶鄞故有它山一水其始大溪與江通流鹹潮銜接耕耨弗利唐大和七年邑令王元暉始築堰以捍

江湖於是溪流灌注城邑而鄞西七鄉之田皆蒙其利歲久廢壞宋嘉定間峴言於府請重修且董興作之役因爲是書記之上卷雜志源流規制及修造始末下卷則皆碑記與題咏詩也案新唐書地理志載明州鄞縣案鄞縣在唐爲鄞縣南二里有小江湖溉田八百頃開元中令王元緯置東二十五里有西湖溉田五百頃天寶二年令陸南金開廣之今此編稱它山水入於南門瀦爲日月二湖其日湖卽小江湖月湖卽西湖謂二湖皆王元暉所浚而不言有天寶之陸南金似有闕略至其以元緯爲元暉以開元中爲大和七年則此編所載諸碑記及唐僧元亮詩證佐顯然足以糾正唐志之謬不得以與史異文爲疑矣此書在地志之中頗爲近古宋四明郡志嘗採其說然傳本頗稀幾於泯沒而無可考明崇禎辛巳郡人陳朝輔始得舊帙梓行版亦散佚首有峴及朝輔二序而末以四明志序附焉蓋卽從陳本錄出者也

六志首

五

續修校本

欽定四庫全書簡明目錄

地理類都會郡縣之屬

寶慶四明志二十一卷開慶續志十二卷

四明志宋羅濬撰續志宋梅應發劉錫同撰四明志前十一卷爲郡志後十卷爲所屬六縣志蓋明州雖建府而無附郭之縣仍領疆土故也敘次頗不失古法續志名爲郡志實則錄吳潛一人之事迹詩詞殊乖體例以潛爲名臣姑竝存焉

大德昌國州圖志七卷

元馮復京郭薦等同撰原本首有三圖故曰圖志今圖佚而志存分爲八門其大旨在翦削浮詞故簡而能括不在韓邦靖康海等所撰下也

延祐四明志十七卷

六志首

木

煙嶼樓校本

元袁桷撰分十二門義例謹嚴最有體要原本二十一卷今第九卷第十卷第十一卷竝佚

地理類河渠之屬

四明它山水利備覽二卷

宋魏峴撰它山水在鄞縣灌漑七鄉惟患爲江湖所汨唐時築堰以捍潮遂爲永利歲久廢壞峴請於府重修因作是書上卷記源流規制及修築始末下卷爲碑記與題詠

謹案乾隆朝

詔編四庫全書宋元郡縣志著錄於

文淵閣者二十種四明得四種宋乾道之圖經元至正之續志尙以傳本稀少未獲進

呈而一郡之書已居海內什分之二矣考其源流大德爲范氏家藏延祐由浙撫採進卽寶慶開慶之獻自兩淮鹽政者亦揚州馬氏從鄞全氏傳鈔之本蓋吾鄉先哲並多留心粉社掌故故文獻足徵如此今彙刻宋元六志附以水利備覽恭錄

欽定四庫提要

欽定四庫提要目錄弁冕卷端以爲此邦榮耀焉至提要寶慶

六志首

七

煙嶼樓校本

條謂鄞縣非倚郭大德條稱州判名復京備覽條述魏峴官但云提舉市舶則皆當時儒臣偶然失考已詳本志與校勘記中不復覈

縷

宋元四明六志卷首

四明圖經序

山海有經輿地有圖郡邑有圖經此古今所共出而一日所不可闕者也蓋天下之阨塞戶口之多寡不有載籍以著其所以然則所謂阨塞多寡者雖欲具知而不可得此博古之士所以勒成一書以昭後世而傳無窮也爰自大觀元年朝廷創置九域圖志局命所在州郡編纂圖經於是明委郡從事李茂誠等撰述故里之遠近戶口之主客與夫物產之異宜貢賦之所出上而至於人物古跡釋氏道流下而至於山林江湖橋梁坊陌微而至於羽毛鱗介花果蔬藥茗器用之類靡不畢備書成未幾而不幸厄於兵火遂致存者亡全者毀前日之所成者泯然而不見制置直閣張公治明之二年政成民和郡以無事乃登黃堂而歎曰明之爲郡亦久矣在古爲餘姚之墟在漢爲會稽之境逮唐武德中而卽鄞置縣開元中而卽縣爲州山有四明洞有梨洲有孫興公見之於賦有梅仙虞喜之所廬有任李董黯之人物有王密房琯之德政有建隆郡守康憲錢公億之墓有熙寧宰相荆國王文公之祠其他山川勝槩章章在人耳目者未易以縷舉而圖經則闕焉詎可不搜訪遺亡以補四明之故事也哉公乃分委僚屬因得舊

乾道序

一

煙樓校本

錄更加採摭纂爲七卷又以篇什碑記等爲五卷附於其末噫年歷四十餘守更數十政其間非無銳意立事欲作爲一書垂之永遠者或因循未暇今公啟是念於黃堂之上財六旬而篇帙粲然大備鳩工刊木昭示將來信乎天下事非立志堅而用意到疇能有成哉乾道五年四月初一日右修職郎新處州縉雲縣主簿主管學事三山黃鼎序

乾道序

二

煙樓校本

四明圖經目錄

卷一

總敘

分野

風俗

城池

子城

祠廟

水利

古蹟州城內

賢守事實

卷二

鄞縣

鄉里附

御書

橋梁

乾道目

煙樓樓校本

渠堰

祠廟附

山

水江湖河潭附

人物附

古蹟

冢墓

縣宰題名

卷三

奉化縣

賢宰

人物

卷四

定海縣

卷五

慈溪縣

賢宰

人物

逸民

冢墓

卷六

象山縣

祠廟

山

卷七

昌國縣

鹽場

祠廟

山

水湖潭

古蹟

乾道目

煙樓樓校本

卷八

古賦

古詩

律詩

絕句

長短句

卷九

記

卷十

記

卷十一

碑文

銘

贊 傳

書

卷十二

太守題名記 進士題名記

乾道目

三

煙輿樓校本

四明圖經目錄

四明圖經卷一



宋元四明
六志第一

宋 張 津 等 撰

總敘

上明州奉化郡奉國軍節度治鄞縣本屬會稽古舜居後
爲餘姚之墟初夏禹會諸侯於江南執玉帛者萬國上
苗山大會計爵有德封有功因而更名苗山曰會稽周
禮東南曰揚州又曰揚州之鎮山曰會稽明乃會稽之
東境自勾踐滅吳稱霸其後越爲楚所滅子孫散於會
稽甌閩之間分有故越之地秦并百粵罷侯置守分天
下爲三十六郡曰會稽羗者兼吳越而通稱也漢興封
劉賈爲荆王賈爲英布所殺遂以劉濞爲吳王景帝四
年濞反誅國除乃復爲郡治於吳又嘗封閩越王之子
搖爲東甌王元鼎五年東甌國除因以其地并屬會稽
而立東部都尉治鄞其後徙章安章安今奉化之南也
成帝陽朔元年又徙治鄞或有寇盜又徙句章王莽改
鄞爲謹順帝永建四年劉府君上書浙江之北爲吳郡
其會稽郡領山陰會稽鄞烏傷諸暨太末上虞剡餘姚
句章鄞章安永寧東侯官十四縣吳郡會稽於是始分
而鄞鄞句章三縣皆會稽之東部卽今明之地也故自
兩漢而明越皆爲會稽郡魏晉以來蔑有變更隨平陳

廢鄞以地隸吳州總管府高祖武德四年始析句章縣
爲鄞州八年廢鄞州爲鄞縣隸越州明皇開元二十六
年採訪使齊澣始復奏請爲州以境內有四明山故號
州爲明而郡名奉化屬浙東觀察使首命秦舜昌爲刺
史天寶元年改爲餘姚郡肅宗乾元元年秋七月復爲
明州仍兼浙東觀察使舊治鄞縣今阿育王山之西鄞
山之東城郭遺址猶存代宗大曆六年三月海寇袁晁
作亂於翁山而鄞久弗能復乃移治鄞東取鄞城財
三十里領縣五日鄞曰奉化曰慈溪曰象山

象山本屬
台州神龍
元年始
本屬

乾道一

二

續修校本

察使薛戎上書明州北臨鄞江地形卑隘請移郡於鄞
縣置其元郡城近南高處卻安縣從之而移否莫得而
知昭宗乾寧二年錢鏐爲鎮東軍節度使五代朱梁嘗
爲望海軍開平三年分鄞縣置定海縣厥後錢元瓘自
號爲吳越王據有兩浙十三州之地漢乾祐二年吳越
王錢俶命其弟億判四明聖宋受命建隆二年陞爲奉
國軍復授億節鉞以鎮之億爲節度十有八年至乾德
五年終于任猶子惟治實襲其後太平興國二年吳越
王納土歸國籍十有三州而明居其一朝廷改授惟治
鎮國軍節度使自是始用文臣爲太守熙寧六年奉勅

割鄞縣之邊海富都等三鄉縣立昌國縣元豐元年又
撥定海縣金塘一鄉隸昌國故今縣有六鄞奉化定海
慈溪象山昌國六縣風土物產古今人物寺觀祠宇亭
傳場鎮江湖河堰地靈古跡隨縣開列於後以傳不朽

分野

按後漢志自斗六度至須女四度謂之星紀之次越之
分野故虞翻曰會稽上應牽牛之宿下當少陽之位
東漸巨海西通五湖南暢無垠北渚浙江明之爲州
實越之東部觀輿地圖則僻在一隅雖非都會乃海
道輻湊之地故南則閩廣東則倭人北則高句麗商
舶往來物貨豐衍東出定海有蛟門虎蹲天設之險
亦東南之要會也

風俗

按隋書江南之俗火耕水耨食魚與稻以漁獵爲業雖
無蓄積之資然亦無飢餒之患信鬼神好淫祀小人
多商販君子資官祿市廛列肆埒於二京人雜五方
故俗頗相類京口東通天會南接江湖西連都邑亦
一都會也其人本習戰號爲天下精兵俗以五月五
日爲鬪力之戲各料強弱相敵事類講武會稽郡亦
然川澤沃衍有海陸之饒珍異所聚故蕃漢商賈並

乾道一

三

續修校本

湊君子尙禮庸庶敦龐故風俗澄清而道教隆洽蓋其風氣所尙也

城池

明之羅城舊云閩粵無諸所築夏侯曾先謂劉牢之築以塞三江之口西城外有城基上生竹篠俗曰篠牆卽故基也今羅城周回二千五百二十七丈計一十八里西與南則環以水東與北則繞以江晉末孫恩海寇也其犯會稽則由上虞以入不由乎明州者亦以此城據三江之險云

子城

乾道一

四

應興樓校本

子城周回四百二十丈環以水麗譙揭奉國軍之額太守潘良貴書州樓揭明州之額舊錢氏書今潘良貴書州治以奉化縣之金峨山爲外案山而以城中之鎮明嶺爲內案山後坐慈溪縣之驃騎山山以張驃騎而得名蓋後漢時人也奉國軍樓中有刻漏皇朝慶厯年太守王周重修是時王文公安石爲鄞宰嘗銘之其後歲久差舛不可信紹興辛巳太守韓公仲通訪得吳人祝岷考古制冶銅爲蓮漏至今用之有記刻于石簽判許克昌文也

祠廟三

乾道一

五

應興樓校本

靈應廟卽鮑郎祠也舊云永泰王廟在州南二里半按輿地志云鮑郎名蓋後漢鄞邑人爲縣吏縣嘗俾捧牒入京畱家酣飲踰月不行縣方詰責已而得報章果上達審究實然旣死葬三十年忽夢謂妻曰吾當更生盍開吾冢妻疑不信再夢如初乃發棺其尸儼然如生第無氣息耳冥器完潔若日用者冢之四旁燈然不滅音亦不銷郡人衆觀咸怪神之立祠以祀梁大通間有奴賊名益誕唱誘羣盜有衆三千號奴抄兵寇會稽永嘉臨海海鹽並海郡邑咸被其害官軍屢邀擊不勝賊勢益張定襄侯蕭祇爲刺史神忽見形因巫語祇願助討賊祇乃施帷帳迎神置于譙門形雖隱而言與人接越三日告去語祇曰當以八月十三日破賊奴抄果以是日至餘姚舟膠於江衆陷於淖潰潰如醉官軍悉繫縛之若拾遺然祇奏其異武帝遣增大祠宇日以益盛唐聖厯二年縣令柳惠古徙祠于縣會昌中刺史張次宗嘗撰記皇朝崇寧二年尙書豐稷奏明州鮑君永泰王廟額犯哲宗皇帝陵名乞改額內永泰二字爲靈應廟如其請政和八年太守徽猷閣待制樓昇以雨暘順時有禱輒應奏請王爵加惠濟王宣和四年太守直龍圖閣李

友聞因睦寇竊發驚擾鄰邦本州終獲保全繫王之功奏請加封於是加威烈二字又至六年侍郎路允迪使高麗舟船安濟奏請再加忠嘉二字建炎四年車駕巡幸奉勅加廣靈二字今稱靈應忠嘉威烈惠濟廣靈王

純孝廟東漢孝子董君祠也在州東南五十五步唐大曆十二年立刺史崔殷爲之記徐浩書君名黯其孝行之大已見于徐浩所書之碑今祠宇卽其故宅先是其母塑像在南郭外草堂中康憲錢公億因訪問而知之迺迎歸孝子廟以伸崇奉且具其事實請于

乾道一

六

煙樓樓校本

朝乞加廟額於是勅封爲純德微君之廟也徐浩所書碑蓋郡中之寶也今舊石不存獨簽判韓嘉重刊石在廟中耳

伏飛廟在州北一里二百步鹽倉之西昔有碑今亡故神之姓氏邑里無傳焉淮南子云荆有伏非得寶劍於干隊還及渡江中流暴風揚波兩蛟夾繞其舟伏非謂樵船者曰嘗有如此者而得活乎曰未嘗見也於是伏非瞋目勃然攘臂拔劍曰武士可以仁義說也不可劫而奪之此江中之腐肉朽骨棄劍而已余又奚愛焉赴江刺蛟遂斷其頭舟中人盡活風波畢

除荆魯爲執圭孔子聞之曰夫善戰腐肉朽骨棄劍者伏非之謂乎按皇朝建隆中鄞令金翊翬異記謂唐武德時以此郡爲鄞州至開元中改鄞爲明郡名奉化城而東地名句章軍號伏飛考此則伏飛廟者蓋出于當時之軍號而軍必有將之者往往有功於人故人爲之祠云大觀之初本州所編九域志乃引淮南子所謂荆有伏飛不知淮南子之非實非是之非非飛走之飛今廟新榜遂稱荆伏飛侯豈非好事者附會其說而增以荆字歟

水利

乾道一

七

煙樓樓校本

城之河渠蓋一水自宅山經仲夏而人南門一水自大雷經廣德湖而入西門淫潦汎溢則城之東北隅有硯以洩於江硯閘猶存二水入城爲州民之利今猶昔也皇朝天禧間許俞作李侯夷庚開河記言廣德湖水也元祐間舒公龍圖宣爲西湖引水記言宅山之水也其後儉正王公庭秀作河渠說則兼言二水之利開河記曰廣德湖者舊爲官職田之所廢穿百三十穴盜洩四注中不涵濡耨之爲畎畝之地蹂之爲芻牧之場公於是口官占民侵之所及芻牧之所踐者盡命撤廢禁不得入亘之以巨防環之以長堤

築捍堅固導洩有方均之以高下周之以遠近自郭之內家映修渠人酌清泚湜湜之流周環四來潤下不竭澄源有歸又引之於州北隅鑿兩池以渟之雖炎曦下燥河流交絕而茲池不可涸也引水記曰鄞縣南二里有小湖唐正觀中令王君照修也蓋今里俗所謂細湖頭者乃其故處焉湖廢久矣獨其西隅尙存今所謂西湖是矣明爲州瀕海枕江水難蓄而善泄歲小旱則池井皆竭而是湖所以引它山之水爲旱歲備也

州城內古跡七

乾道一

八

煙嶼樓校本

郡之子城內亭宇中舊有唐刺史王密德政碑李舟文顏真卿書李陽冰玉筍篆額遺建炎兵火石已斷缺不全今在郡樓之下此碑與董孝廟徐浩舊碑皆是郡所寶也

州宅進思堂之西壁外有唐柳公權書金剛經刻于石而龕之

蛟池在州之北故老云嘗有蛟自江來窟於此人患之故其旁立伏飛廟以鎮之池今爲居民所侵堙塞無幾矣

鎮明嶺在州南一里三十步州之內案山也上有佛亭

皇朝天禧中太守李夷庚能地理之學以州無案山故直州之南累土爲阜高丈名曰鎮明嶺此蓋夷庚因其舊有而增之耳非初爲也其後往來憚於登陟日削月夷特餘土坡於其側耳

競渡湖卽開元寺西之小湖也昔有黃鍾二公競渡於此故後人以名其處亦呼爲小江里又曰沿江里也清瀾池在州衙前直奉國軍之門錢恭惠王在鎮日嘗浚之以爲禦火備太守李夷庚復浚之以其泥益鎮明嶺之卑薄壯內案山之勢池與州學泮水池春開蛙不鳴俗傳以爲李侯夷庚以法禁之也

乾道一

九

煙嶼樓校本

西湖在州南六十步舒公龍圖直嘗記其事以爲是湖本末圖誌所不載其經始之人與歲月皆莫得而考湖中有汀洲島嶼凡十日柳汀日雪汀日芳草洲日芙蓉洲日菊花洲日月島日松島日花嶼日竹嶼日煙嶼四時之景不同而士女遊賞特盛於春夏飛蓋成陰畫船漾影無虛日也

賢守事實十二

唐開元二十六年齊濟既請置明州更爲潤州刺史招集流民五百戶置此以安輯之

正元九年刺史任侗修治廣德湖溉田四百頃

太和六年刺史于季友築仲夏堰溉田千頃

長慶三年刺史應彪建跨江浮橋五十五丈

元稹爲浙東觀察使明州舊貢蚶走驛達于長安郵卒

不勝其疲稹奏罷之

孔戣爲刺史後遷國子祭酒見明州貢蚶蛤淡菜水陸

勞費特奏罷之

王密爲刺史德政可紀李舟爲之記事見於碑刻

皇朝建隆間廣德湖湮塞康憲錢公億請于朝用工濬

治築爲塘岸周回一萬二千八百七十一丈它山堰

損苦不可修公跪請于神復得存固

乾道一

十

煙嶼樓校本

天禧中直館李夷庚爲太守修治東湖與廣德湖水利

通濟有功於民

政和間太守樓昇明人也被命再任繼而睦寇猖獗蹂

踐鄰郡公備禦有方六邑無犯

紹興八年太守仇公念當兵火之餘復首建州學與鄉

士大夫行鄉飲酒之禮邦人乃立祠于學

乾道五年太守直閣張公津憫鄉飲酒之禮久廢乃以

正月二日率羣僚與鄉之士大夫及士人之客寄是

邦者卽州庠行釋菜之儀盡致敬之義然後序齒會

拜於講堂三爵而退自此遂爲常規云由是邦人復

共立祠於學焉

新校凡稱劉本劉藝

子城皇朝慶厯年有八字

廟靈應廟又至六年劉本無又

伏飛廟城甬東延祐本城下有名字據寶慶

利城之河渠二水入城有劉本水下水

乾道十

十一

煙嶼樓校本

四明圖經卷一

鄞 徐時棟校刊

四明圖經卷二

宋元四明
六志第二

朱 張 津 等 撰

鄞縣

望鄞縣古越地之東境國語曰吳更封越東至於鄞秦平百粵以其地置鄞縣屬會稽郡吳越春秋謂越有赤菴山故加邑爲鄞漢武帝元鼎五年會稽東部都尉治鄞其後徙章安帝陽朔元年又徙治鄞王莽改曰謹後漢改爲鄞縣居鄞山之陰既而復爲鄞縣晉太康中戶一千六百六十隋平陳縣廢并其地入句章縣屬吳門總管唐武德四年復分置更名鄞縣

乾道二

十

蓋古句章鄞縣三縣之地故其連嶺接其本

後或有鄞屬鄞州八年州廢還屬越州開元二十六年又爲鄞縣於縣置明州元和中定爲上縣皇朝爲望縣元十八鄉淳化元年分萬齡爲二鄉曰老界曰手界熙寧中割六鄉靈巖太丘海晏富都安期蓬萊隸定海昌國今十三鄉

鄉里村附

十三鄉管里十三村二十

武康鄉

東安鄉

清道鄉

萬齡老界鄉

萬齡手界鄉

光同鄉

桃源鄉

鄞塘鄉

陽堂鄉

翔鳳鄉

豐樂鄉

通遠鄉

句章鄉

武康鄉在州城下管小江里

東安鄉在州城下管白壇里

清道鄉在縣西一里半管里一村二

橫山里

高橋村在縣西二十里

沈店村在縣南七里

乾道二

二

連嶺接其本

萬齡老界鄉在縣東五里管里一村二

赤城里

盛店村在縣東一十五里

尙書村在縣東一十里

萬齡手界鄉在縣東南一十里管里一村二

赤城里

張村在縣東南二十里

鄞橋村在縣東南四十里

光同鄉在縣南一十里管里一村二

清林里

北渡村在縣南二十五里

樂社村在縣南二十里

桃源鄉在縣西二十里管里一村二

石馬里

黃公林村在縣西三十里

林村在縣西四十里

郭塘鄉在縣南二十五里管里一村二

姜山里

姜山村在縣南三十里

銅盆浦村在縣南二十五里

乾道二

三

煙嶼樓校本

陽堂鄉在縣東三十五里管里一村二

太白里

寶幢村在縣東三十里

東吳村在縣東三十三里

翔鳳鄉在縣東南四十里管里一村一

滄門里

隱學村在縣東南四十五里

豐樂鄉在縣東南四十里管里一村二

石柱里

乾坑村在縣南四十二里

故干村在縣南四十五里

通遠鄉在縣西南六十里管里一村一

李洪里

環村在縣西南五十五里

村名舊犯欽
宗廟諱故改

句章鄉在縣南六十里管里一村二

夕陽里

高橋村在縣西南五十五里

市中村在縣西南六十里

御書四

阿育王山廣利寺在縣東三十五里晉義熙元年建皇

乾道二

四

煙嶼樓校本

朝大覺禪師懷璉居之法席鼎盛名聞天下皇祐二年懷璉入居東京淨因禪院仁宗皇帝召對化成殿因賜食禁中及授以御製釋典頌十四篇并提綱語句治平二年英宗皇帝內降劄子許歸本寺熙寧三年適建宸奎閣奉藏所賜御書且被旨歲度僧一人寺有釋迦如來真身舍利塔內有一角金鐘舍利在焉寺之東北峯上有佛左足跡距寺一二里輪相分明今爲石宇以覆之傳者謂迦葉佛之跡也寺有東塔院相去二里卽劉薩訶所禮舍利塔湧出之處西塔院去寺五十步其塔唐明皇時建也

聖功院本崇教院也周顯德元年建在縣西南四里半
皇朝至道元年眞宗皇帝詔內侍裴愈訪名山聖跡
寺院恭藏太宗皇帝石刻御書於是本院奉賜五十
卷軸明年因愈奏改賜今額

大中祥符寺在縣南一里半皇朝僧三惠大師從信得
業之地也信妙於琴阮端拱中至京師求知己會有
上言于太宗皇帝者召見與語奏技盡其所學上大
悅命入翰林祇候賜食禁中資錢帛無算一日求歸
特俞其請行日且賜以師號及御書御批等信迺奉
藏於寺也內有教院輪藏藏焉

乾道二

五

煙嶼樓校本

政和七年太守樓昇乞置高麗司徽宗皇帝有御筆批
諭刻之於石其碑在西湖錦照堂

橋梁

鄞江跨江浮橋在縣東南二里舊日靈現橋亦曰靈建
橋唐長慶三年刺史應彪建太和三年刺史李文瑞
重建初建橋於東渡門三江口江闊水駛不克成乃
徙今建橋之地經始橋基雲中微有形彎環如虹衆
以爲異因建橋於其下皇朝開寶中康憲公錢億復
新之舊有范的所撰碑後沈於江而尚書謹溫其所
作碑亦不存也乾道四年太守直閣張公津重修今

名東津橋其長五十有五丈其闊一丈有四尺云

渠堰二

它山堰在縣西南五十里唐開元間邑宰王元暉之所
建也累石爲隄江河分流截然爲二若神工然明之
爲州瀕海枕江水善泄而易竭雨澤少屯井泉輒涸
酌飲江水人以爲病引它山之水自南門入城瀦爲
西湖園境取給始無旱暵之憂它山堰之爲利溥矣
餘載祠廟門

仲夏堰在縣西南四十里唐太和元年刺史于季友於
四明山下開鑿河渠引山水流入諸港置堰蓄之溉

乾道二

六

煙嶼樓校本

田數千頃

祠廟十二 祠堂附

至聖文宣王廟在縣東半里唐元和九年建皇朝崇寧
二年因行三舍法教養生員移於縣西南半里而
成於大觀之三年建炎四年遭兵火至今未建也
東嶽行宮在縣東三十二里有王山相近

忠嘉威烈惠濟廣靈王行廟在城外甬東隅五里
它山堰善政侯廟在縣西南四十里以廟碑考之蓋唐
太和中邑宰琅琊王侯諱元暉之祠也先是厥土連
江厥田宜稻每風濤作沴或水旱成災侯乃命採石

於山爲堤爲防迴流於川以灌以溉通乎潤下之澤建乎不拔之基能於歲時大獲民利自它山堰既良田者凡數千頃故鄉民德之立祠以祀後封爲善政侯皇朝乾道四年七月八日有旨賜遺德廟額知縣事楊布書太守直閣張公津之所立也

逸老堂在西湖上衆樂亭相對爲唐祕書監賀公知章季眞而作也而祠堂在其西皇朝紹興十四年八月太守莫公將建乾道五年四月太守直祕閣張公津重修

皇朝故丞相魯國會宣靖公公亮祠堂在縣南三里半

乾道二

七

煙嶼樓校本

延慶寺按天聖中楚國公會會守明州丞相方毓德侍下一日遊延慶而主僧法智大師知禮夜夢伽藍神告之曰翌日相公來可恭迓之知禮異其事戒闍人以來者告已而魯國公至禮以夢告魯公曰烏有是哉然默記於方寸至大拜而以知禮之夢爲然於是請於朝置田闢舍大啟法席延慶之名始播於天下寺僧圖其像而祠之碑碣具存

鬼谷先生祠在縣之東六十里太白山其祠倚山臨水幽深閑寂人跡罕到眞仙游所宅也夏侯曾先地志云鬼谷子廟三面連山前有清溪之水泉源不竭山

崖重疊雲霧蔽虧晉郭璞曾到有游山詩曰清溪千餘仞中有一道士雲生梁棟閒風吹窗牖裏借問此阿誰云是鬼谷子卽此祠也

阿育王山淵靈廟在廣利寺鰓井在其東相去里餘世謂之聖井自東晉時已著靈異其中二大鰓乃護城神也其一有金線自腦達於尾其一每現光耀折花引之則雙紅鰓或二蝦前導而後出焉錢武肅王以歲早命九華長老十善大德與國中所謂五叔太尉者同迎歸錢塘之南塢寺山間鑿石爲井立亭其上以做聖井用伸禮敬而阿育王寺僧時見復在鄧山

乾道二

八

煙嶼樓校本

井中游泳也山有七井前有亭榜曰應現或云又有二井則在山之絕頂峻險不可得而至然亦未知其果否也康憲錢公嘗因旱齋沐禱請靈鰓以紫羅爲帕若罽狀布井中啟視竟鰓先入罽靈鰓隨後以銀缸貯沙泉養之置道場中命僧爲法事復有天花散綬之瑞曾統贊宣嘗著護塔靈鰓菩薩傳皇朝屢因旱嘆祈求感應元祐元年奉勅賜額乾道二年太守趙公伯圭禱雨有應知鄞縣事李柄作記刻於石皇朝故丞相荆國王文公安石祠堂二所一在縣之經綸閣一在縣東育王山廣利寺按寺中祠堂記云介